



Na osnovu čl. 4. i 22. stav (2) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo" broj 51/17), čl. 5. tačka d) i 6. Uredbe o kriterijima za finansiranje programa i projekata neprofitnih organizacija i udruženja koji se finansiraju /sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12-Ispravka, 37/13, 16/14 i 6/17), člana 6. Pravilnika o postupku po javnom pozivu za dodjelu novčanih sredstava neprofitnim organizacijama i udruženjima ("Službene novine Kantona Sarajevo", br. 9/17, 21/17 i 24/17) i čl. 1. i 3. Odluke o raspisivanju Javnog poziva za dodjelu novčanih sredstava humanitarnim organizacijama/neprofitnim organizacijama/ i udruženjima koji se finansiraju/sufinansiraju od strane Ministarstva za rad, socijalnu politiku, raseljena lica i izbjeglice Kantona Sarajevo kao nosioca budžetskih sredstava, broj 13-02-05-5542/18 od 02.03.2018. godine, ministrica za rad, socijalnu politiku, raseljena lica i izbjeglice Kantona Sarajevo raspisuje

JAVNI POZIV

za dodjelu novčanih sredstava humanitarnim organizacijama/neprofitnim organizacijama za 2018. godinu

I - Predmet Javnog poziva je dodjela novčanih sredstava humanitarnim organizacijama/neprofitnim organizacijama u svrhu finansiranja/sufinansiranja projekata iz oblasti rada, socijalne politike, raseljenih lica i izbjeglica, a čiji su projekti, programi ili aktivnosti od interesa za građane Kantona Sarajevo (u daljem tekstu: Kanton) ili doprinose razvoju i afirmaciji Kantona i provode se na području Kantona.

II - Opći kriteriji za dodjelu sredstava

- a) Registracija humanitarne organizacije/neprofitne organizacije na bilo kojem nivou vlasti u Bosni i Hercegovini
- b) Realizacija projekata humanitarne organizacije/neprofitne organizacije koji su od interesa za građane Kantona ili doprinose razvoju i afirmaciji Kantona i provode se na području Kantona
- c) Ekonomska ili društvena opravdanost projekta koje humanitarna organizacija/neprofitna organizacija predlaže i provodi
- d) Program rada za tekuću godinu sa obrazloženjem
- e) Finansijski plan za tekuću godinu
- f) Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu)
- g) Finansijski izvještaj o utrošku sredstava za projekte odobrene u prethodnoj godini
- h) Organiziranost i broj članova humanitarne organizacije/neprofitne organizacije
- i) Broj lica koja učestvuju u realizaciji projekta
- j) Specifičnost potreba članova humanitarne organizacije/neprofitne organizacije, odnosno populacije koju zastupaju
- k) Rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

III - Posebni kriterij po ovom javnom pozivu je:

Projekti humanitarnih organizacija/neprofitnih organizacija koje se bave humanitarno-socijalnom djelatnošću vezanoj za kategorije korisnika definisane Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16) i Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 – Prečišćeni tekst, 38/16 i 44/17).

Dokumentacija koja se treba dostaviti u originalu ili ovjerenoj fotokopiji:

1. Popunjen obrazac za aplikaciju za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet, a koji se nalazi na web stranici Ministarstva www.mrsri.ks.gov.ba
2. Rješenje o registraciji i uvjerenje iz registra humanitarne organizacije/neprofitne organizacije izdato u vrijeme podnošenja zahtjeva, izuzev iz Registra humanitarne organizacije/neprofitne organizacije koje vodi Ministarstvo pravde i uprave Kantona Sarajevo, a koje će ovo ministarstvo pribaviti po službenoj dužnosti
3. Uvjerenje o poreskoj registraciji – identifikacioni broj
4. Uvjerenje o izmirenim poreskim obavezama, ne starije od tri mjeseca
5. Uvjerenje o izmirenim porezima i doprinosima za zaposlenike (ukoliko ima zaposlenika). Humanitarna organizacija/neprofitna organizacija koja nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje
6. Bilans stanja i bilans uspjeha za 2017. godinu, ovjereni od strane nadležne poreske uprave
7. Izvještaj o utrošku sredstava za projekte odobrene u prethodnoj godini.

Humanitarne organizacije/neprofitne organizacije koje su registrovane u prethodnoj godini i nisu dobili sredstva za projekte nisu dužni dostaviti dokumentaciju pod tačkama 6. i 7. ovog javnog poziva.

IV - Javni poziv će biti objavljen na Internet stranici Kantona Sarajevo, www.mrsri.ks.gov.ba i u najmanje jednim dnevnim novinama visokog tiraža koje se distribuiraju na području cijele Bosne i Hercegovine.

V - Za provođenje Javnog poziva i realizaciju cjelokupnog postupka i dodjele sredstava Ministrica će imenovati komisiju koja će cijeniti opravdanost zahtjeva i kvalitet predloženog projekta, programa ili aktivnosti, izvršiti bodovanje i procjenu, radi donošenja odluke o dodjeli sredstava neprofitnim organizacijama i udruženjima.

Aplikanti dostavljaju samo po jedan projekat.

VI – Rok za podnošenje zahtjeva za dodjelu sredstava po Javnom pozivu je 15 (petnaest) dana od dana posljednje objave.

VII – Zahtjevi za dodjelu sredstava se podnose u zatvorenoj koverti na Protokol Kantona Sarajevo ili poštom na adresu: Ministarstvo za rad, socijalnu politiku, raseljena lica i izbjeglice Kantona Sarajevo, ul. Reisa Džemaludina Čauševića broj 1., Sarajevo, sa naznakom "Prijava na Javni poziv za dodjelu novčanih sredstava humanitarnim organizacijama/neprofitnim organizacijama za 2018. godinu - ne otvaraj".

VIII – Neblagovremene zahtjeve komisija neće uzeti u razmatranje i vratiti će se neotvoreni uz dopis. Nepotpune zahtjeve komisija će odbaciti i o tome obavijestiti podnosioca zahtjeva.

IX – Na web stranici Ministarstva mogu se preuzeti i obrasci navedeni u ovom javnom pozivu (prijavni obrazac i obrazac za narativni i finansijski izvještaj).

X – Sredstva odobrena po osnovu Javnog poziva moraju se iskoristiti za realizaciju kandidovanog projekta, pri čemu se korisnik sredstava mora pridržavati važećih propisa.

XI – Doznačavanje odobrenih sredstava aplikantima vrši se nakon donošenja odluke u skladu sa operativnim planovima i raspoloživim sredstvima u Budžetu Kantona Sarajevo.

Broj: 13/01-02-14-26221-1/18
Sarajevo, 05.07.2018. godine

MINISTRICA

Amela Dautbegović



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

